

ՆՈՐ ԳՐՔԵՐ

Հայկական ՍՍՌԻ Գիտությունների ակադեմիայի հրատարակութամբ վերջերս լույս են տեսել մի քանի աշխատություններ, որոնք մեծ շահով կօղեն ուսողների կայի գյուղատնտեսության բնագավառի աշխատողներին նրանց գործնական աշխատանքներում:

Լույս է տեսել բիոլոգիական գիտությունների դոկտոր Ս. Հ. Պողոսյանի «Յուրաքանչյուր խաղողի հնագույն փոփոխականների և նրանց հիբրիդների սերմնաբույսերի բնույթի մասին» ընդարձակ աշխատությունը: Գիրքն ամփոփում է խաղողի սելեկցիայի բնագավառում հեղինակի կատարած երկարամյա աշխատանքի արդյունքները:

Գրքի առաջին գլուխը պատմական ակնարկ է խաղողի կուլտուրան Հայաստանում մշակելու մասին: Հենվելով Կարմիր-բլուրի պեղումներից ստացված նյութական մնացորդների և պատմական ու դրական վերջին տվյալների վրա, հեղինակը եզրակացնում է, որ Արարատյան հարթավայրում մշակվող խաղողի մի շարք լավագույն սորտեր գոյություն ունեն 3000 տարուց ի վեր:

Գրքի երկրորդ գլխում դրական տվյալների և սեփական հարուստ փորձի հիման վրա հեղինակը պարզաբանում է յուրաքանչյուր խաղողի սերմնաբույսերի ժառանգականության փոփոխության բնույթը, որը տեսական և գործնական մեծ նշանակություն ունի նպատակադիր սելեկցիայի համար: Ի. Վ. Միշուրինի ուսմունքից հայտնի է, որ բույսի ժառանգական հատկանիշները փոփոխվում են արտաքին միջավայրի ազդեցության տակ: Հեղինակը ցույց է տալիս, որ հաղարամյակների ընթացքում կտրոններով բազմացված յուրաքանչյուր խաղողի վաղը սերմերով բազմացնելու դեպքում սերնդում տալիս է ժառանգականությունը խախտված սերմաբույսեր, օժտված մեծ փոփոխականությամբ, սակայն կուլտուրական հատկություններով:

Երրորդ գլխում տրված են խաղողի սերմնաբույսերի փոփոխականության բնույթը անհատական զարգացման ընթացքում, տնտեսական արժեքավոր հատկությունների զարգացման և կայունացման բնույթը ժառանգականության կայունացման բնույթում, ինչպես և արտաքին պայմանների ազդեցությունը առանձին հատկությունների զարգացման վրա սերմնաբույսերի կյանքի տարրեր էտապներում:

Գրքի չորրորդ գլխում, որը նվիրված է խաղողի սերմնաբույսերի կենսունակության հարցին հեղինակը փորձերի տվյալներով և տեսականորեն հիմնավորում է սերմնաբույսերի վեգետատիվ սերնդի բարձր կենսունակությունը, համեմատած դարերի ընթացքում միայն կտրոններով բազմացված սորտերի վեգետատիվ սերնդի կենսունակության հետ:

Գրքի հինգերորդ գլուխը շատ ուսանելի է բույսերի դաստիարակման միջոցների մեթոդի կիրառման տեսակետից: Այդտեղ մանրամասն նկարագրվում է հիբրիդային սերմնաբույսերի դաստիարակումը մենտորի մեթոդով: Սերմնաբույսերի դաստիարակումը վաղահասունության և ցրտադիմացկունության ուղղությամբ, համապատասխան արտաքին պայմանների ազդեցության ներքո: Այդ գլխում «Գործնական արդյունքներ» վերնագրի տակ հեղինակը նկարագրում է իր և բիոլոգիական գիտությունների թեկնածու Ս. Ս. Խաչատրյանի ստացած խաղողի Արմենիա, Հրազդան Արագածի, Վարդենի, Տոկուն նոր սորտերը և տարրեր արդյունաբերական նշանակություն ունեցող, տարրեր ժամանակներում հասունացող հեռանկարային սերմնաբույսերը, որոնք բազմացված են հետազոտում արտադրությանը հանձնելու համար:

Ս. Պողոսյանի աշխատությունը պետք է համարել միջուրինյան ագրոբիոլոգիայի նվաճումներից մեկը, նրա լավագույն կոնկրետ կիրառումը խաղողագործության բնագավառում: Այդ աշխատությունը լավագույն օրինակ կարող է ծառայել մի շարք տեսական հարցեր հմտորեն առաջ քաշելու և գործնականորեն լուծելու տեսակետից: Գրքում առաջ են քաջված տեսական նոր խնդիրներ, որոնց լուծումը շատ կարևոր նշանակություն ունի մոդերնիզացիայի տնտեսության համար:

Հայաստանի լեռնային շրջանների պտղարուծության զարգացման հարցերով զբաղվում է Հայկական ՍՍՌ Գիտությունների ակադեմիայի Գտղարուծության ինստիտուտի Լենինականի բաժանմունքը: 1955 թվականի վերջին Հայկական ՍՍՌ Գիտությունների ակադեմիայի հրատարակությամբ լույս է տեսել վերոհիշյալ բաժանմունքի աշխատակից թիվողիական գիտությունների թեկնածու Ս. Լ. Աղուլյանի աշխատությունը՝ «Խորհրդային միջուկային սուրճերը Հայկական ՍՍՌ Լենինականի ստրախարում» խորագրով: Այդ գիրքը հանդիսանում է բաժանմունքի 18 տարվա փորձնական աշխատանքների արդյունքների ամփոփ շարադրանքը:

Հեղինակը նախ համառոտակի բացատրում է խնձորենու թիվողիական առանձնահատկությունները, խնձորենու տարածվածությունը Հայկական ՍՍՌ շրջաններում, այնուհետև տալիս է Լենինականի սարահարթի էկոլոգիական, կլիմայական հողային առանձնահատկությունների բնութագիրը, համեմատություններ կատարելով Միջուրինյան հետ, որտեղ «տեղծվել են միջուրինյան սորտերը»:

Հեղինակը երկար տարիների փորձի հիման վրա անհրաժեշտ մանրամասնությամբ նկարագրում է Լենինականի սարահարթի էկոլոգիական պայմանների ազդեցությունը միջուրինյան խնձորենու սորտերի վրա: Այդ հետաքրքիր ուսումնասիրությունը կատարվել է միջուրինյան 26—28 սորտերի նկատմամբ, սկսած նրանց սերմերի ծվելուց, նեբառյալ պտղարերությամբ մի շարք տարիները: Գրքի այդ բաժինը մեծ հետաքրքրություն է ներկայացնում և ուսանելի շատ բան է պարունակում պտղարուծությամբ զբաղվող մասնագետների ու պրակտիկ աշխատողների համար:

Գրքի մեծ մասը նվիրված է արտադրական գործնական հարցերի լուծարմանը: Այստեղ խնձորենու միջուրինյան սորտերը բնութագրվում են իրենց պտղի սպառողական և ապրանքային որակի ցուցանիշներով:

Լենինականի սարահարթի պայմաններում իր կատարած ուսումնասիրությունների հիման վրա հեղինակը տալիս է միջուրինյան 26 սորտերի թիվողիական բնութագիրը:

Որպես իր դիտական աշխատանքի գործնական ներկայացություն, հեղինակը ցույց է տալիս, թե Հայկական ՍՍՌ-ի շրջանների համար ինչպիսի սորտեր են ընդունելի և որոնք կարող են աճել ծովի մակարդակից 1500 մետրից բարձր լեռնային գոտում: Հայկական ՍՍՌ-ի բարձր լեռնային գոտին ըստ կլիմայական և հողային առանձնահատկությունների հեղինակը բաժանում է երեք խմբի, յուրաքանչյուր խմբի, համար առաջարկում է պտղատու ծառատեսակների և թփատեսակների ասորտիմենտ, նկատի ունենալով այդ տեսակների համակենցության արտադրության պահանջների մի շարք գործնական հարցերը: Հեղինակը համառոտ կերպով տալիս է պտղատու այգի ստեղծելու տեխնիկան: Սկսելով այդուհամար հողամասի տեղի ընտրությունից, նա տալիս է խնձորենու սորտերի տեղադրումը այդուհամար ըստ նրանց թիվողիական խմբերի և սորտերի: Սահմանում է այդուհամար տնկման ժամկետներ ըստ առանձին խումբ շրջանների, առաջարկում է միջոցառումներ այգիները ցրտահարությունից պաշտպանելու և ձմռան ցրտերից առժամ այգիները լավաղնելու համար: Միջուրինյան սորտերով պտղատու այգիներ ըստ տեղի համար կարևոր գործնական հարց է պատվաստակալի և պատվաստադուր ընտրությունը, ինչպես նաև ծառերի սաղարթի ձևավորումը: Մոտ երկու տասնյակ տարիների փորձերի հիման վրա հեղինակը կոնկրետ և համոզիչ պատճառաբանությամբ պատասխանում է այդ հարցերին: Ընկ. Աղուլյանի աշխատությունը արժեքավոր գործ է գիտական և արտադրական առումով:

Գիրքը հրատարակված է խնամքով. դա ցույց է տալիս, որ Հայկական ՍՍՌ Գիտությունների ակադեմիայի հրատարակչությունը գրքի հրատարակման տեխնիկայի տեսակետից 1955 թվականին ձեռք է բերել զգալի հաջողություններ:

Ա. Հովակիմյան

Ստացվել է 9 IV 1956 թ.: